

**Atuisumut paasissutissiissut nakorsaatit puuannut ilanngussaq**  
**Tarnut Brentan 20 mg/g (creme)**  
**Miconazolnitrat**

**Nakorsaat atulersinnagu paasissutissiissut una pingaarutilinnik imalik peqqissaartumik atuaruk.**

- Brentan creme sunniulluassappat paasissutissiissummi matumani nassuiaatigineqartut imal. nakorsap, nakorsaatilerisup peqqinnissakkulluunniit sullissisup allap ilitersuutai maleqqissaassavatit.
- Paasissutissiissut kingorna atorfissaqartilersinnaagakku toqqussavat.
- Allanik apeqqutissaqaruit nakorsaatilerisumut apeqqutilliigit.
- Kingunerluut ajornerulerpat imal. matumani allassimannngitsumik kingunerluuteqaruit nakorsaq, nakorsaatilerisoq peqqinnissakkulluunniit sullissisoq alla attavigiuk. Imm. 4 takuuk.
- Ajoqutit ajornerulerpat pitsassinngikkuilluunniit nakorsamut attaveqarit.

Paasissutissiissutit nutarterneqartuarput, Brentan creme-mut tunngasoq nutarterlaaq nittartakkami [www.indlaegsseddel.dk](http://www.indlaegsseddel.dk) pissarsiaassaavoq

**Paasissutissiap imai:**

1. Sunniutaa atorneqarfissaalu
2. Atulersinnagu ilisimasassat
3. Atorneqarnissaa
4. Kingunerluutit
5. Sumiitinnissaa
6. Annertussutsit paasissutissallu allat

**1. Sunniutaa atorneqarfissaalu**

Brentan tappiorannartunut oqunnut nakorsaataavoq. Brentan creme isikkakut timillu ilaani ammikkut soorlu illissap paanut ammarngup killingagut oquninnermi atorsinnaavat.

Ajornerulissaguit pitsaanerulinnngikkuilluunniit nakorsaq attavigiuk.

Nakorsap Brentan creme allamut nakorsaasiuppagu tamatigut nakorsap peqqussutaa malissavat.

**2. Brentan creme nakorsaasiutsinnagu ilisimasassat**

**Brentan creme nakorsaatigissanngilat:**

- Nakorsaatitaa, akuisa arlaat imal. tappiorannartunut oqunnut nakorsaatit tamatumunnga assingusut saperukkit (imm. 6-imi taaneqartut).

**Mianersoqqussutit**

Brentan navianaateqarsinnaasunik sapigaqarnermut ersiuteqalersitsinnaavoq. Brentan-ip nakorsaatiginerani sapigaqarnermut ersiuteqalersinnaanerit eqqumaffigissavat. Takuuk imm. 4 Brentan creme atulersinnagu nakorsaq, nakorsaatilerisoq peqqinnissakkulluunniit sullissisoq alla attavigiuk.

Nakorsap peqqussutiginnippagu Brentan creme kassikkut, umikkut kukitsigulluunniit oqoqarnermut atussanngilat.

Isitit attornaveersaakkit. Sapigaqarnermut ersiuteqaleruit ammit aappillerat/qasillerpalluunniit nakorsaat unitsittariaqarpat. Nakorsaq attavigiuk.

Nakorsaatit makku arlaannik nakorsaateqaruit Brentan nakorsaasiutsinnagu nakorsaq, nakorsaatilerisoq peqqinnissakkulluunniit sullissisoq alla attavigiuk:

- aammut imerpallasaat (warfarin).
- noqartarnermut nakorsaat (phenytoin).
- sukkornerit imm aappaannut nakorsaat.

#### **Saniatigut allanik nakorsaatitoruit**

Allanik nakorsaatitugaqaruit qanittukkulluunniit nakorsaatitorsimaguit nakorsaq nakorsaatilerisorluunniit tamatigut ilisimatissavat.

Makku arlaannik nakorsaateqaruit nakorsaq oqaluuguk:

- aammut imerpallasaat (warfarin).
- sukkornerit imm aappaannut nakorsaat
- noqartarnermut nakorsaat (phenytoin).

#### **Naartuneq, milutitsineq kinguaassiorsinnaanerlu**

Naartuguit, milutitsiguit, naartusoriguit naartulersaarulluunniit Brentan creme atulersinnagu nakorsaq nakorsaatilerisorluunniit siunersioqqaassavat.

#### **Naartuneq**

Naartuninni Brentan creme atorsinnaavat.

#### **Milutitsineq**

Brentan creme- pillugu misilittakkat sulii annikimmata nakorsaq aperiuk.

#### **Angallannikkut suliffimmilu isumannaallisaaneq**

Brentan creme angalanermi suliffimmiluunniit isumannaassutsimut sunniuteqanngilaq

#### **Brentan creme butylhydroxyanisol (E320) –imik benzoesyre (E210)-imillu akoqarpq**

Butylhydroxyanisol (E320) ammikkut aniorninititsissinnaavoq (ass. sapigaqarnikkut amerlerneq), isinik ameraasamillu aappillersitsissinnaavoq/qasillersitsissinnaavoq.

Benzoesyre (E210) annikitsumik ameramik, isinik ameraasamillu aappillersitsissinnaavoq /qasillersitsissinnaavoq.

### **3. Brentan creme ima atorineqassaaq**

Brentan creme tamatigut matumani ilitsersuut maleqqisaarlugu imal. nakorsap, nakorsaatilerisup peqqinnissakkulluunniit sullissisup allap peqqussutaa malillugu atussavat. Nalorniguit nakorsaq, nakorsaatilerisoq peqqinnissakkulluunniit sullissisoq alla aperiuk.

#### **Annertussusiliuttagaq nalinginnaasoq:**

##### **Inersimasut meeqqallu**

Brentan creme amminnut oqoqarfiusumut tamatumalu eqqaanut ullormut marloriarlugu tarnutigissavat. Iserluarserlugu inussannik ataatsimik amminnut tagiartuuguk. Oquniffiusup sumiinnera qanorlu annertutiginer apeqqutaatillugit nakorsartinneq sap. ak. marluunniit arfinilinnut sivilissuseqartarpoq. Nappaammut ersiutit peerutereerneranni Brentan minnerpaamik sap.ak. ingerlatinnassavat.

Brentan creme meeqqanut marluk inorlugit ukiulinnut nakorsaq isumaqatigiissuteqarfigeqqaarlugu aatsaat atorsinnaavat.

## **Utoqqaat**

Utoqqarni 65-ileereersuni Brentan creme-imik atuinnermut tunngatillugu paasissutissat naammangillat.

## **Tartut tinguullu sulilluarunnarsimaneranni**

Tartut tinguullu sulilluarunnaarsimaneranni Brentan creme-imik atuinnermut tunngatillugu paasissutissat naammangillat.

## **Maleruagassat eqqiluisaarnermut tunngasut**

1. Brentan creme-mik tanitassat asalluassavat panertorluarlugulu.
2. Oquniffiusumut attuussimasat (allarutit, brsti, ermiut, kukinnut killuut) allanit atorpeqarsinnaannginnissat isumagissavat.

## **Isikkat Brentan creme-mik nakorsarneqarnissaat**

1. Isikkatit qasorsaaserlugit asakkit ammillu katagarneri piikkit. Isikkatit isikkannilu inussavit akorni allarmmik tamatumunngaannaq atugassiamik panertorluakkit.
2. Oquniffiusimasut eqqaalu, inussat akorni alullu ilanngullugit Brentan creme-imik tanikkit.
3. Taama tanereernerpit kingorna tamatigut errortanik alersilertarit.

## **Brentan creme ingasaassimagukku**

Matumani allassimasoq nakorsalluunniit innersuussutaa sinnerlugu Brentan creme atorsimagukku inuummarlioruillu puua nassarlugu nakorsaq, ajoqusersimasunut nakorsiartarfik nakorsaaterisorluunniit attavigiuk.

Brentan creme ingasaassimagukku ammit aappillersinnaavoq/qasillersinnaavoq. Brentan creme atorunnaarukku tamanna qaangiutissaaq. Ullut marlussuit qaangiunneranni aappillerneq /qasilliineq qaangiussimangippat nakorsaq attavigisariaqassavat.

## **Brentan creme puigorsimagukku**

Puigukkannut taarsiullugu marloriaammik atuissanngilatit. Pisarnittut nangiinnassavat.

## **Brentan creme atorunnaarukku**

Nalorniguit nakorsaq, nakorsaaterisoq peqqinnisakkulluunniit sullissisoq alla aperiuk.

## **4. Kingunerluutit**

Brentan creme nakorsaaitut allatulli kingunerluuteqarpoq inuilli tamarmik kingunerluuteqartitsisangillat.

Kingunerluutit makku arlaannik malussaruit Brentan creme atorunnaaruk nakorsarlu ingerlaannaq attavigiuk:

- Kiinnavit, oqqavit toqquusaavilluunniit pullalernerera, iisiniarnerit ajornakusuulerpat, qattusuunik aniorninikkuit anernikilliuleruit (kiinnap, sigguit oqqallu pullalernerat, aap ingerlaarnerata ajalusoornera (qanoq akulikitsigisunik atugaanera ilisimaneqanngilaq)).

#### Kingunerluutit navianaatillit

Kingunerluutit qanoq akulikitsigisunik atugaanerat ilisimaneqanngitsoq (qaqutigoortuussagunartut):

- Sapigaqarneq (anafylaktisk reaktion) pissutigalugu tassanngaannaq aniornininneq, anernikilliulerneq iluaallernerlu (minutsiniit nal. akunnerisa ingerlaneranni). Inuunermut navianaateqarsinnaavoq. Ambulance-mut sianerit.
- Ammikkut ameraasakkullu pullattoqalernerera. Navianaateqarsinnaavoq. Nakorsaq oqaluuguk. Kiinaq, sigguit oqarlu pullalerpata inuunermut navianaateqarsinnaavoq. Ambulance-mut sianerit.

#### Kingunerluutit navianaateqanngitsut

- Kingunerluutit qanoq akulikitsiginerat ilisimaneqanngitsoq (qaqutigoortuussagunartut): Sapigaqarneq, aniornininneq (qattusuunik) pullalernerillu. Navianaateqarsinnaapput. Nakorsaq oqaluuguk. Kiinaq, sigguit oqarlu pullalerpata inuunermut navianarsinnaavoq. Ambulance-mut sianerit.

kingunerluutit nalinginnaanngitsut (atuisuni 1000-ini ataatsip qulillu akornanniittunit misigineqartartut): sapigaqarnikkut amerlerneq, ammip uunartutut misinnarnera, qattusuunik aniornininneq, aniornininneq, ammip aappillernerera, ammip aseruuffiunera, ammikkut qaqornerisaqalerneq, ersiutillu makku tanitavit nalaaniittut: ammip aappillernerera/qasillernerera, uunartutut misinnarnera, ungillerineq, kissartutut misinnarnera.

#### Kingunerluutinik nalunaaruteqartarneq

Kingunerluummik malussaruit, nakorsaq nakorsaatilerisorluunniit oqaluuttariaqarpat.

Kingunerluutaasinnaasut paasissutissiisummi matumani ilaanngitsut aamma matumani pineqarput. Illit ilaqqutatilluunniit kingunerluutit pillugit toqqaannartumik

Lægemedelstyrelsimut [www.meldenbivirkning.dk](http://www.meldenbivirkning.dk) ataani paasissutissat tunngavigalugit nalunaaruteqarsinnaavusi:

Lægemedelstyrelsen, Axel Heides Gade 1, DK-2300 København S

Nittartagaq: [www.meldenbivirkning.dk](http://www.meldenbivirkning.dk), E-mail: [dkma@dkma.dk](mailto:dkma@dkma.dk)

Kingunerluutinik nalunaaruteqarnikkut nakorsaatip isumannaatsuunissaanut paasissutissanik annertunerusunik pissarsinissamut ikiuutissaatit.

### **5. Sumiitinnissaa**

- Brentan creme meeqqat inorsillugit inissiguk.
- Brentan creme 25 °C sinnerlugit kissassusilimmiitissanngilat.
- Atorneqarfissaanut killiliussaq puuani allassimasoq qaammat naareersimappat Brentan creme atorneqassanngilaq.
- Nakorsaatitukkavit sinnerisa qanoq iliornissaat pillugu nakorsaatilerisoq aperiuk. Avatangiisit illersorniarlugit nakorsaatit sinnerinik kuuffimmut, anartarfimmut eqqaavimmulluunniit igitseqinak.

### **6. Annertussutsit paasissutissallu allat**

Brentan 20 mg/g creme makkunanga akoqarpoq:

- Nakorsaatitaa miconazolnitrat. Creme 1 gr miconazolnitrat-imik 20 mg-imik akoqarpoq.
- Akui allat tassaapput: Pegoxol-7-stearat, peglicol-5-oleat, paraffinolie, benzoesyre (E 210), butylhydroxyanisol (E 320), imeq sukuluiaq.

**Annertussutsit**

Maqittagaq 15 g, 30 g imal. 50 g.

Annertussutsilli tamakkerlutik pissarsiassaanersut apequtaassaaq.

**Nioqquteqarnissamut akuersissutilik tunisassiortorlu:**

**Nioqquteqarnissamut akuersissutilik**

McNeil Denmark ApS,

Bregnerødvej 133,

3460 Birkerød.

**Tunisassiortoq**

JANSSEN PHARMACEUTICA

N.Y., B-2340 Beerse,

Belgien.

**Paasissutissiissut kingullermik nutarterneqarpoq februar 2016.**